



BOSNA I HERCEGOVI NA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK

Tel 032650 022  
032 650 547  
Fa 032650 220

[www.opcina-tesanj.ba](http://www.opcina-tesanj.ba)  
E-mail: [optesanj@bih.net.ba](mailto:optesanj@bih.net.ba)  
[fuad.sisic@opcina-tesanj.ba](mailto:fuad.sisic@opcina-tesanj.ba)



Trg Alije Izetbegovića 11,  
74260 Tešanj

Broj: 01-

Datum :

**OPĆINSKO VIJEĆE TEŠANJ  
O V D J E**

**PREDMET:** Informacija o zimskom održavanju cesta na području općine  
Tešanj u periodu od 15.11.2011. do 15.03.2012. godine,-

Aktivnosti na pripremama za zimsko održavanje cesta na području općine Tešanj, u sezoni 2011/2012. godina započele su snimanjem stanja na terenu i utvrđivanjem dužina pojedinih dionica za zimsko održavanje.

Općina Tešanj je na osnovu snimljenog stanja sačinila Plan zimskog održavanja za sezonu 2011/2012. godina i započela aktivnost na odabiru izvođača za poslove zimskog održavanja cesta na području općine Tešanj.

Ranije usvojen koncept zimskog održavanja po osnovu kojeg se dio putnih pravaca povjerava mjesnim zajednicama na održavanje, pokazao se dobrim pristupom u kvalitetnijem i ekonomičnijem održavanju dijela putnih pravaca na području Općine. Stoga se sa tim pristupom nastavilo i u sezoni 2010/2011 godina.

Planom zimskog održavanja za proteklu sezonu obuhvat cesta koje su održavane povećan u odnosu na sezonu 20010/11 i iznosio 205,19 km cesta.

Plan zimskog održavanja činile su:

1. dionice putnih pravaca koje su putem javne nabavke oglašene za javno nadmetanje u dužini od **69,3** km,
2. dionice putnih pravaca koje su ponuđene mjesnim zajednicama na održavanje u dužini od **113,93** km i
3. dionice gradskih i prigradskih ulica ugovorene sa JP „RAD“ doo Tešanj u dužini od **21,96** km.

Nakon okončane procedure i potpisivanja ugovora sa odabranim ponuđačima - „AB-TRANS“ doo Tešanj, „TRANS-KOP“ doo Tešanj, „KM-GRADNJA“ doo Tešanj i JP „RAD“ doo Tešanj, te potpisanih sporazuma sa mjesnim zajednicama ugovoreno je plaćanje i to:

1. „AB –TRANS“ doo Tešanj, u iznosu od 55.769,30 KM,
2. „TRANS-KOP“ doo Tešanj, u iznosu od 20.638,80 KM,
3. „KM-GRADNJA“ doo Tešanj, u iznosu od 35.958,30 KM,
4. JP „RAD“ doo Tešanj, u iznosu od 54.900,00 KM i
5. Mjesne zajednice: u iznosu od 119.853,75 KM.

Prema tome zimsko održavanje cesta na području Općine Tešanj ugovoreno je u ukupnom iznosu od 287.120,15 KM.

Za sezonu zimskog održavanja 2011/2012. godina u skladu sa odredbama ugovora kojima je regulisan način plaćanja ovisno o broju snježnih dana i kvalitetu održavanja evidentirane su obustave ugovorenih sredstava od izvođača sa kojima je Općina potpisala ugovore u vrijednosti od oko 9% (**16.165,90 KM**) pa je izvođačima plaćen iznos od 151.100,50 KM i mjesnim zajednicama 119.853,75 KM što iznosi ukupno 270.954,20 KM za 205,19 km cesta. Na osnovu izloženog proizilazi da je prosječna plaćena cijena jednog km zimskog održavanja cesta u sezoni 2011/2012. godini iznosila 1.320,50 KM/km.

Na poslovima nadzora održavanja lokalnih cesta i gradskih ulica u zimskim uslovima angažovana su četiri uposlenika Općine Tešanj. Za rad nadzora izvan radnog vremena plaćena je naknada u ukupnom iznosu od 2.092,00 KM.

Osim angažovanih izvođača po ugovoru, održavanje trotoara u gradu ugovoreno je kroz Program komunalnih usluga u oblasti komunalne higijene, te smo dodatno angažovali nezaposlena lica na čišćenju gradskih ulica za šta su izdvojena sredstva u iznosu od 2.296,67 KM i angažovali mašine za izvoz snijega iz užeg dijela Tešnja, Jelaha i Tešanjke u iznosu od 7.350,48 KM.

Dakle, ukupno utrošena sredstva za poslove zimskog održavanja u sezoni 2011/2012. godina iznose 282.693,40 KM.

Budžetom za 2012. godinu planirana su sredstva za zimsko održavanje u iznosu od 300.000,00 KM. Obzirom da zimsko održavanje obuhvata dvije budžetske godine, to se troškovi zimskog održavanja i raspoređuju na taj način. Od ukupno planiranih sredstava za ovu godinu nakon raspodjele troškova, za narednu sezonu zimskog održavanja 2012/13 godinu a koja će biti finansirana iz budžeta za ovu godinu, ostaje na raspolaganju 184.500,00 KM.

Na osnovu dostavljenih izvještaja mjesnih zajednica o aktivnostima na zimskom održavanju cesta, može se konstatovati da su mjesne zajednice angažujući uglavnom mještane iz svojih sredina, odobrena sredstva namjenski utrošile, te da su pojedine mjesne zajednice pored sredstava odobrenih za zimsko održavanje na osnovu sporazuma, utrošile i dodatna sredstva za proširenje obuhvata na zimskom održavanju onih putnih pravaca za koje sredstva nisu dodjeljena putem sporazuma. Većina mjesnih zajednica iznijela je zahtjeve o potrebi proširenja obuhvata održavanja cesta u zimskim uslovima.

Služba za društvene djelatnosti, komunalne poslove i ekologiju redovno je pratila aktivnosti na zimskom održavanju, te je u skladu sa stanjem na terenu, samostalno i preko lica angažovanih na nadzoru, poduzimala potrebne mjere u cilju bezbjedenja prohodnost putnih pravaca.

#### **OBRADIVAČ**

**Služba za društvene djelatnosti,  
komunalne poslove i ekologiju**

**Suad Huskić prof.**

#### **OPĆINSKI NAČELNIK**

**Fuad Šišić, dipl.ing.maš.**

Broj:02-27-5- /12

Datum:13.04.2012. god.